



Projekat finansira
Evropska unija

Regionalni program lokalne demokratije na Zapadnom Balkanu 2 ReLOaD2



u partnerstvu sa Gradom Prijedor

Izveštaj o održanom prvom mentorskom sastanku u okviru javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu (ReLOaD2) u Gradu Prijedor

U okviru Javnog poziva za organizacije civilnog društva/nevladine organizacije za predaju prijedloga projekata koji se organizuje u sklopu projekta „Regionalni program lokalne demokratije na Zapadnom Balkanu“ (ReLOaD2)¹ u saradnji sa Gradom Prijedor, u ponedjeljak, 17. januara 2022. godine u trajanju od 13,30 do 15,00 časova u prostorijama Gradske uprave Grada Prijedor, održan je prvi od tri planirana mentorska sastanka za zainteresovane predstavnike/ice organizacija civilnog društva (OCD). Sastanak je bio prilika za OCD da sa mentorom javno prodiskutuju eventualna poboljšanja projektnih prijedloga (bez uplitanja u konkretne projektne ideje).

Prvi termin mentorskog sastanka je najavljen u Pozivu **organizacijama civilnog društva za učešće na prvom mentorskom sastanku u okviru Javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu 2 (ReLOaD2) u Gradu Prijedor** na zvaničnoj internet stranici Grada Prijedora, te Razvojnog programa Ujedinjenih nacija (www.undp.org).

Mentorskom sastanku prisustvovalo je ukupno 15 učesnika/ca (14 predstavnika/ca OCD i 1 predstavnik Gradske uprave), od čega 8 žena i 7 muškaraca.

Na početku mentorskog sastanka, učesnicima je pojašnjena uloga mentora, naglašavajući da je jedina uloga mentora da ukaže na greške, te ne učestvuje u rješavanju istih. Mentor nema mandat da se direktno uključuje u izradu projektnog prijedloga, te u cilju osiguranja i primjene transparentnog pristupa realizacija mentorstva po principu „jedan na jedan“ nije dozvoljena, tačnije prisustvo mentora i jednog predstavnika jedne OCD nije moguće.

U nastavku su ponovno navedeni elementi Javnog poziva koji mogu dovesti do diskvalifikacije dostavljenih prijedloga projekata, a to su: trajanje projekta (5-10 mjeseci), traženi iznos mora biti u rasponu od 10.000,00 KM do 70.000,00 KM (ni manji, ni veći iznosi neće biti razmatrani) i sve projektne aktivnosti se moraju sprovesti na području grada Prijedora i u korist stanovnika grada Prijedora.

Tokom mentorske sesije, upućena su sljedeća pitanja:

1. Troškovi rekonstrukcije od 30%, kako iste uklopiti u projekat?

U skladu sa Smjernicama, grantom koji se dodjeljuje u okviru ovog poziva mogu se finansirati administrativni troškovi (ljudski resursi, putovanja/ prevoz i kancelarijski troškovi) u maksimalnom iznosu do 30% od ukupnog budžeta. Iznos traženih sredstava za kupovinu opreme i rekonstrukciju

¹Regionalni program lokalne demokratije na Zapadnom Balkanu (ReLOaD) finansira Evropska unija (EU), a provodi Razvojni program Ujedinjenih nacija (UNDP).



Projekat finansira
Evropska unija

Regionalni program lokalne demokratije na Zapadnom Balkanu 2 ReLOaD2



ne može u kumulativnom iznosu prelaziti 30% od ukupnog budžeta. Dakle, ukoliko maksimalno dozvoljenih 30% nisu dovoljni da pokriju troškove inicijalne projektne ideje, jedino što se može razmotriti jeste da se redizajnira projektna ideja u skladu sa definisanim pravilima.

2. Da li se troškovi prevođenja mogu unijeti u projektni budžet?

Odgovor: Da. Naime, prema pravilima Javnog poziva, oni projekti koji budu odobreni i potpisani ugovori, biće obavezni podnijeti set osnovne dokumentacije na engleskom jeziku. Mentor je uputio potencijalne aplikante i na objavljena Najčešća pitanja i odgovori i to konkretno na pitanja broj 1 i broj 23.

3. Usklađivanje broja mjeseci projekta sa kalendarskim mjesecima u godini?

Odgovor: Naime, iako postoji orijentacioni plan kada bi projekti trebali započeti, i to predstavlja orijentacionu osnovu za planiranje projekta, veoma je bitno naglasiti da aplikanti ne navode nazive mjeseci u kojima će neku aktivnost sprovesti unutar Plana implementacije. Dakle, u koloni koja se odnosi na broj mjeseci, ne treba mijenjati brojeve nego se ravnati prema broju aktivnosti. Konkretno, ako određena aktivnost traje prva tri mjeseca, aplikant ne navodi npr. mart, april i maj, nego mjesec 1, 2 i 3 – odnosno, u planu aktivnosti označi one ćelije koje su predviđene za ove mjesece. Dodatno, obratiti pažnju da indikatori (koji bi trebali biti vremenski određeni) u kojima je definisano do kada će se postići poklapaju sa planom aktivnosti. Naprimjer, ako je indikator u Logičkoj matrici: „Minimalno 10 osoba je povećalo znanje o pisanju projekata do kraja šestog mjeseca“, onda aktivnosti vezane za ovaj indikator se moraju označiti da će trajati šest mjeseci u samom Planu aktivnosti.

4. Da li jedna osoba može raditi na projektu i biti edukator na projektu?

Ne, jedna osoba ne može biti angažovana na projektu po dva osnova. Odgovor na ovo pitanje se također može pronaći u pitanju/odgovoru Broj 25 iz dokumenta Najčešća pitanja i odgovori.

5. Da li partner na Projektu može biti organizacija iz drugih opština?

Da, partneri na projektu mogu biti iz drugih JLS. Međutim, Uloga partnera u projektu, OCD odnosno nevladine organizacije na isti način moraju ispunjavati uslove Javnog poziva kao i sami OCD aplikant (više informacija u Smjernicama). Partnerstvo između OCD mora biti svrsishodno, a to se prikazuje u dokumentu plan aktivnosti i promocije gdje je potrebno jasno naznačiti za koje aktivnosti je zadužen partner, a za koje nositelj projekta/aplikant. No, vrlo bitno je obratiti pažnju da se kod sekcije Kapaciteta aplikanta i partnera ocjenjuje kumulativno iskustvo, znanje, kapaciteti i mogućnosti implementacije predloženog projekta. Aplikanti se upućuju i na pitanje/odgovor broj 9 iz dokumenta Najčešća pitanja i odgovori. Naravno, sve prethodno navedeno se mora uklapati u osnovne kriterije, tj. da projekti moraju biti implementirani isključivo na području grada Prijedora i za stanovnike grada Prijedora. U iznimnim slučajevima dozvoljeno je da se pojedine aktivnosti provedu na teritoriji druge JLS ukoliko za to postoje objektivni razlozi koji su navedeni u projektnom prijedlogu.

6. Broj grantova po OCD iz drugih opština?

Mentor se referisao na dio pravila koji se odnosi na broj prijedloga ugovora i grantova po OCD, odnosno aplikantu. Naime, jedan aplikant može predati projekte u više JLS u kojima će ReLOaD2 BiH raspisati javni poziv, ali oni moraju biti napisani u skladu sa prioriternim oblastima definisanim za svaku JLS. U slučaju da dva projekta jednog aplikanta budu uspješno evaluirana oni će biti integrirani u jedan ugovor. U tom slučaju sa OCD se potpisuje samo jedan ugovor koji obuhvata sve odobrene projekte. Proces pripreme ovakvog ugovora će iziskivati dodatnu provjeru finansijskih i operativnih kapaciteta aplikanta od koje će zavistiti odobrenje finansiranja. No, najbitnije od ovoga jeste činjenica da maksimalni ukupni iznos sredstava koji jedna OCD može dobiti tokom trajanja ReLOaD2 projekta (od 2021. - 2024. godine) za sve javne pozive u svim JLS je 120.000,00 KM.



Projekat finansira
Evropska unija

Regionalni program lokalne demokratije na Zapadnom Balkanu 2 ReLOaD2



Također, u toku mjeseca januara će biti organizovana dodatna 2 mentorska sastanka, kako bi predstavnicima OCD-a bila pružena podrška prilikom pripreme projektnih ideja, i to:

1. **Drugi sastanak sa mentorom u ponedjeljak, 24. januara 2022. godine** (vrijeme i mjesto održavanja sastanka biće naknadno objavljeni).
2. **Treći sastanak sa mentorom u petak, 28. januara 2022. godine** (vrijeme i mjesto održavanja sastanka biće naknadno objavljeni).

Potvrdu o prisustvu na mentorskim sastancima potrebno je poslati na e-mail: dragan.vucenovic@prijedorgrad.org.

U svrhu transparentnosti, svi zapisnici, uključujući ovaj, sa održanih sastanaka sa mentorom će biti objavljeni na zvaničnoj stranici Grada Prijedor. Na ovaj način će se omogućiti da informacije budu dostupne za OCD koje nisu bile u mogućnosti da prisustvuju sastancima sa mentorom.